



Þingskjal nr. 35

Flytjandi Hestamannafélagið Geysir

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að að LH taki að sér Áhugamannamót Íslands og úthuti því í samræmi við Íslandsmót. Einnig að eftirfarandi reglur verði settar inn í lög og reglur LH

Reglur LH fyrir Áhugamannamót Íslands.

1.gr Ákvörðun um mótstað og dagsetningu.

Stjórn LH ákveður hvar Áhugamannamót Íslands skuli haldið hverju sinni. Umsókn um mótið skal berast til skrifstofu LH fyrir 1. október á árinu fyrir mót. Keppnisnefnd LH tekur umsóknir til umfjöllunar og leggur til við stjórn LH hvar Áhugamannamót Íslands skuli haldið hverju sinni. Ef engar umsóknir berast hefur stjórn LH vald til að ganga til samninga við þá mótshaldara sem stjórn LH kýs að semja við. Stjórn LH og mótshaldari skulu undirrita samning um Áhugamannamót Íslands fyrir 1. desember á árinu fyrir mótið.

Dagsetning Áhugamannamót Íslands skal vera þriðja helgin í júlí ár hvert.

2.gr Keppnisgreinar

Á Áhugamannamóti Íslands skal keppt í einum styrkleikaflokki (opinn 1.flokkur).

Keppnisgreinar eru

Íþróttakeppni:

- Tölt T3
- Tölt T4
- Tölt T7
- Fimmgangur F2
- Fjörgangur V2
- Fjörgangur V5
- Gæðingaskeið PP1
- 100m skeið

Gæðingakeppni

- B-flokkur
- A-flokkur

3.gr Þátttökuréttur

Allir sem náð hafa 22 ára aldri og hafa ekki keppt í meistaraflokki í íþróttakeppni á síðastliðnum 5 árum.



4.gr Auglýsing og skráningar

Áhugamannamót Íslands skal auglýsa fyrir 1.maí ár hvert. Það aðildarfélag sem heldur Áhugamannamót Íslands hverju sinni skal sjá um skráningu og innheimtu skráningargjalda keppenda af öllu landinu.

5.gr Framkvæmdanefnd og yfirdómnefnd

Mótshaldari skal skipa framkvæmdanefnd sama ár og mótið er haldið. LH skipar einn mann í framkvæmdanefnd og skal sá einstaklingur vera fjölmiðlafulltrúi nefndarinnar. Framkvæmdanefndin ákveður skráningagjöld, annast auglýsingar móts, móttöku þátttökutilkynninga, ber ábyrgð á að nægjanlega margt starfsfólk sé til staðar og sér um annan undirbúning. Framkvæmdanefnd skipar eftirfarandi embættismenn mótsins:

- Framkvæmdastjóra. Hann skal skipaður um leið og framkvæmdanefnd og starfa með henni að undirbúningi mótsins. Hann ber ásamt framkvæmdanefnd ábyrgð á að undirbúningur og aðstaða öll sé tilbúin nægjanlega tímanlega fyrir mót, þannig að keppendur geti æft sig á mótssvæðinu a.m.k. sjö dögum fyrir upphaf móts.
- Fjölmiðlafulltrúa. Hann skal skipaður um leið og framkvæmdanefnd og vinni með henni. Hann ber ábyrgð á fjölmiðlatengslum og sér um að koma mótinu á framfæri við fjölmiðla, sér einnig um styrktaraðilar mótsins séu sýnilegir í auglýsingum og önnur mál sem tengjast því. Mótshaldari skal tilnefna einn tengilið sem starfar með fjölmiðlafulltrúa.
- Mótsstjóra. Hann skal skipaður minnst tveimur mánuðum fyrir upphaf móts. Hann ber ábyrgð á að mótið fari fram eftir auglýstri dagskrá og gangi snurðulaust fyrir sig. Mótsstjóri skal, í samráði við framkvæmdanefnd, bera ábyrgð á að ritarar og dómgögn séu til staðar við upphaf móts.
- Vallarstjóra. Hann annast verkstjórn á meðan á móti stendur og hefur umsjón með framkvæmd dagskrár í samráði við mótsstjóra.
- Þuli. Þeir kynna dagskráratriði og kappkosta að mótshald gangi greiðlega fyrir sig.
- Fóta- og reiðtygjaskoðunarmenn starfa í umboði dómara.

Yfirdómnefnd er skipuð 5 einstaklingum

- yfirdómara eða meðlim dómarastarfsliðs, áður tilnefndum af honum
- mótsstjóra eða fulltrúa hans, áður tilnefndum af honum
- meðlimi framkvæmdanefndar
- formanni keppnisnefndar LH eða annars fulltrúa, áður tilnefndum af honum
- fulltrúi knapa, kosinn fyrir upphaf keppni af virkum keppendum (sjá grein 2.7.2).

6.gr Skipun dómara

Dómaranefnd LH skal skipa yfirdómara og með honum hæfustu dómara sem völ er á, Fyrir Íþróttakeppni eftir tillögum frá HÍDÍ og fyrir gæðingkeppni eftir tillögum frá GDLH. Yfirdómari dæmir ekki gangtegunder inni á hringvelli. Skipa skal yfirdómara og dómnefndir a.m.k. mánuði fyrir upphaf mótsins.



7.gr Skilyrði sem skal uppfylla

LH skal leggja lista fyrir mótshaldara yfir þau atriði og aðstöðu, sem gilda skal sem lágmarkskröfur til að halda megi Áhugamannamót Íslands hverju sinni. Listi þessi skal lagður fyrir mótshaldara sem þurfa að uppfylla þau atriði sem eru á listanum áður en skrifað er undir samning um Áhugamannamót Íslands.

Greinargerð

Áhugamannamót Íslands hefur verið stærsti viðburður sem eingöngu er ætlaður þeim hluta keppenda sem ekki keppa í meistaraflokki í hestaíþróttum eða gæðingakeppni. Mjög mikilvægur hópur sem þarf að hlúa að. Áhugamannamót Íslands var fyrst haldið af hestamannafélaginu Geysir sem hélt mótið í mörg ár. Síðasliðin tvö ár hefur hestamannafélagið Dreyri haldið það á sínu félagssvæði. Mótið hefur fundið sinn stað í keppnishaldi á Íslandi og tími til komin að úthlutun og reglur verði staðsett hjá LH. Það auka úrvalið á keppnisgreinum á íslenska hestinum.

Afgreiðsla nefndar:

Keppnisnefnd leggur til að tillagan verði samþykkt